

Cylch Gorchwyl - Pwyllgor Adnoddau

Pwrpas

1. Bydd y Pwyllgor Adnoddau yn darparu fforwm ar gyfer y drafodaeth fanwl ar gynllunio ariannol a busnes a materion adnoddau dynol.
2. Y Bwrdd fydd yn diffinio a chyfleu strategaeth a pholisi ariannol y sefydliad. Y Bwrdd a'r Swyddog Cyfrifyddu fydd yn atebol am reolaeth ariannol y sefydliad. Bydd gan y Prif Swyddog Gweithredol a'r Tîm Gweithredol gyfrifoldeb am gynllunio a gweithredu'r strategaeth a'r polisiau ariannol ac adnoddau dynol.

Rôl

3. Rôl y Pwyllgor Adnoddau yw cynghori'r Bwrdd a'r Swyddog Cyfrifyddu ar:
 - a. Goruchwylio paratoi'r gyllideb flynyddol a'r cynllun busnes gan roi ystyriaeth ddyledus i'r defnydd strategol o adnoddau;
 - b. Adolygu strategaeth, cynllunio a pholisi ariannol y sefydliad gan roi ystyriaeth ddyledus i'r defnydd strategol o adnoddau;
 - c. Goruchwylio prosesau cynllunio gweithlu a rheolaethau ar gyfer y sefydliad: recriwtio, cadw, cynllunio ar gyfer olyniaeth a pholisiau rheoli perfformiad;
 - d. Goruchwylio unrhyw newidiadau mawr yn strwythurau buddion gweithwyr ledled y sefydliad;
 - e. Cynghori'r Bwrdd ar weithgareddau buddsoddi a masnachol posibl, gan ystyried cynigion yn gynnar a naill ai cynghori neu ddarparu golwg ar gyfleoedd a allai fodoli;
 - f. Sicrhau rheolaeth effeithiol ac effeithlon o asedau a gweithrediadau Cymwysterau Cymru;
 - g. Adolygu cylch gwaith y Pwyllgor yn ffurfiol yn flynyddol ac yn barhaus yn anffurfiol.

Awdurdod Dirprwyedig

4. Mae gan y Pwyllgor yr awdurdod dirprwyedig o'r Bwrdd i adolygu a chymeradwyo polisiau AD, ac eithrio unrhyw bolisiau sy'n dod o fewn cylch gwaith y Bwrdd neu'r Pwyllgor Cydnabyddiaeth Ariannol.
5. Dyfarniad y Pwyllgor yw penderfynu ar unrhyw beth newydd, dadleuol neu o arwyddocâd cenedlaethol arbennig sydd felly angen cymeradwyaeth y Bwrdd ac angen ei adrodd i Lywodraeth Cymru hefyd.

Aelodaeth a Phresenoldeb

6. Fel rheol bydd gan y Pwyllgor bum aelod. Aelodau'r Pwyllgor Adnoddau yw:
 1. Robert Lloyd Griffiths, Cadeirydd y Pwyllgor ac Aelod o'r Bwrdd
 2. Ellen Donovan, Aelod o'r Bwrdd
 3. Philip Blaker – Prif Swyddog Gweithredol
 4. Anne Marie Duffy, Aelod o'r Bwrdd
 5. David Jones, Aelod o'r Bwrdd
7. Penodir aelodau'r Pwyllgor gan Gadeirydd y Bwrdd sy'n cadw'r hawl, o dan gynllun dirprwyo'r Bwrdd, i ychwanegu neu ddiswyddo aelodau i ddiwallu anghenion y sefydliad.
8. Dylai'r Cyfarwyddwr Gweithredol Adnoddau Corfforaethol fynychu'r Pwyllgor ond ni fydd yn aelod o'r Pwyllgor. Efallai y bydd yn ofynnol hefyd i aelodau eraill o staff neu ymwelwyr allanol fod yn bresennol o bryd i'w gilydd i gynorthwyo'r Pwyllgor i gyflawni ei ddyletswyddau.
9. Y **cworwm** ar gyfer cyfarfodydd y Pwyllgor Adnoddau fydd tri aelod.

Cefnogaeth

10. Cefnogir y Pwyllgor gan y Pennaeth Llywodraethu Corfforaethol, a fydd yn gweithredu fel prif gyswilt y Pwyllgor â'r sefydliad, gweinyddu'r ysgrifenyddiaeth, hwyluso sefydlu'r Pwyllgor, a darparu cyngor a gwybodaeth i aelodau'r Pwyllgor mewn cyfarfodydd a rhyngddynt, gan sicrhau bod trefniadau effeithiol yn cael eu gwneud ar gyfer cyfarfodydd cyffredin ac arbennig. Bydd y Pennaeth Llywodraethu Corfforaethol hefyd yn gweinyddu penodiadau newydd/ailbenodiadau holl aelodau Pwyllgor Cymwysterau Cymru ac unrhyw gynrychiolwyr allanol.

Modus Operandi

11. Bydd y Pwyllgor yn derbyn adroddiadau fel y bo'n briodol, er enghraifft gan Gyfarwyddwr Gweithredol Adnoddau Corfforaethol a Phenaeithaid Cyllid, AD a Llywodraethu Corfforaethol y sefydliad. Bydd yn adrodd i'r Bwrdd trwy ei gofnodion (a gyflwynir gan y Cadeirydd i'r Bwrdd), ac adroddiadau rheolaidd.
12. Cynigir y bydd y Pwyllgor yn cwrdd 2-3 gwaith y flwyddyn mewn modd digon amserol i gydlynu a chyflawni ei fusnes. Gall y Pwyllgor weithredu a chwrdd tu allan i'r Pwyllgor ffurfiol lle bo hynny'n briodol i gyflawni ei fusnes.
13. Yn ystod ei gyfarfodydd, bydd yn archwilio:
 - Adroddiad cyllid y sefydliad;
 - Metrigau Adnoddau Dynol y sefydliad;
 - Diweddariad ar gynnydd y cynllun busnes, a;
 - Derbyn diweddariadau perthnasol mewn perthynas â materion Adnoddau Dynol strategol y sefydliad.